


BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-05-983-7/2019
Sarajevo, 07.11.2019. godine

PARLAMENT FEDERACIJE BOSNE I HERCEGOVINE

Dom naroda
gosp. Edim Fejzić, delegat
gosp. Izmir Hadžiavdić, sekretar



Predmet: Odgovor na delegatsko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10 i 62/10), a u vezi sa članom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), u prilogu Vam dostavljam akt Federalnog ministarstva razvoja, poduzetništva i obrta, broj: 06-02-2652/19 od 01.11.2019. godine, koji sadrži odgovor na delegatsko pitanje, koje je na 3. sjednici Doma naroda Parlamenta Federacije Bosne i Hercegovine, održanoj 04.10.2019. godine, postavio delegat Edim Fejzić.

S poštovanjem,



Prilog: kao u tekstu

Broj: 06-02-2652/19
Mostar, 01.11.2019.godine

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
VLADA
Sarajevo

6.11.2019

Opis	Klasifikaciona	Brat
03-05-983-2	2019	potroga

**BOSNA I HERCEGOVINA
FEDERACIJA BOSNE HERCEGOVINE
VLADA FEDERACIJE BOSNE I HERCEGOVINE
n/r mr.sc. EDITA KALAJDŽIĆ, SEKRETAR VLADE**

PREDMET: Delegatsko pitanje - odgovor
(veza Vaš dopis broj 03-05-983/2019 od 09.03.2018.godine)

Poštovana,

U vezi delegatskog pitanja koje je postavio delegat Edim Fejzić, dajemo sljedeće objašnjenje: Zakoni koji će doprinijeti poboljšanju poslovnog ambijenta i pospješiti lakoću poslovanja, a u nadležnosti su Federalnog ministarstva razvoja, poduzetništva i obrta su Zakon o obrtu i srodnim djelatnostima u Federaciji Bosne i Hercegovine i Zakon o poticanju razvoja male privrede u Federaciji Bosne i Hercegovine.

Zakon o obrtu i srodnim djelatnostima u Federaciji Bosne i Hercegovine će značajno doprinijeti unapređenju obrtničke djelatnosti, povećanju učinkovitosti sustava, boljoj koordinaciji općinskih, kantonalnih i federalnih vlasti, svrshishodnjem trošenju sredstava, smanjenju troškova fizičkim osobama i povećanju zaposlenosti. On ima za cilj suzbijanje sive ekonomije i jačanje tržišta. Obrtnici su pokretači ekonomije i neophodno je osigurati moderan i učinkovit okvir za njihovo poslovanje te poticati jačanje obavljanja obrtničke djelatnosti. Predloženim izmjena pojednostavljeni su postupci za registraciju i rad obrtnika u Federaciji BiH. Znatno je ubrzana provedba procedura i postupaka obuhvaćenih ovim Zakonom, odnosno potrebno vrijeme je reducirano za 50 %. Također, unaprijeđen je postupak razmjene informacija te način popunjavanja Obrtnog registra.

Zakon o poticanju razvoja male privrede u Federaciji Bosne i Hercegovine ima za cilj da značajno doprinese razvoju male privrede, povećanju stope otvaranja novih produktivnih radnih mjeseta, povećanju potencijala za privlačenje sredstava iz EU fondova i drugih donatorskih fondova, kao i povećanju učinkovitosti sistema male privrede. Glavni cilj je stvaranje poslovnog okruženja koje će povoljno uticati na stvaranje novih i razvoj postojećih subjekata male privrede, te njihovo stabilno i uspješno poslovanje. Zakon predviđa uslove i način donošenja strategije razvoja male privrede, donošenje akcionog plana, program poticaja i način njegovog provođenja, te osnivanje Vijeća za poticanje razvoja male privrede male privrede i podstiče njihovu realizaciju, analizira rezultate poticajne politike, te podstiče aktivnosti na unapređivanju saradnje između privatnog i javnog sektora u oblasti male privrede.

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF DEVELOPMENT,
ENTERPRENEURSHIP AND CRAFT

Prijedlog Zakona o obrtu i srodnim djelatnostima u Federaciji Bosne i Hercegovine i Nacrt Zakona o poticanju razvoja male privrede u Federaciji Bosne i Hercegovine su usvojeni na 4. redovnoj sjednici Predstavničkog doma Parlamenta Federacije Bosne i Hercegovine održanoj 10. i 11. 09. 2019.godine. Očekujemo njihovo usvajanje na Domu naroda Parlamenta Federacije Bosne i Hercegovine.

Sa ciljem stvaranja povoljnog poslovnog ambijenta, Federalno ministarstvo razvoja, poduzetništva i obrta provodi niz mjera usmjerenih na intenziviranje razvoja poduzetništva i jačanja konkurentnosti MSP sektora, kao prepostavke za značajniji ekonomski rast i smanjenje stope nezaposlenosti. Ove mjere bi mogli podijeliti na dvije grupe i to one koje se odnose na finansijske poticaje namijenjene sektoru MSP-a i one vezane za stvaranje povoljnog poslovnog ambijenta kroz izmjene postojećih i izradu novih povoljnijih zakonskih rješenja, kojim će se utvrditi vrsta i kategorizacija svih vidova poduzetničke infrastrukture, stvaranje baze podataka poduzetničkih zona i poduzetničkih potpornih institucija u Federaciji BiH, praćenje stanja i donošenja mjera za razvoj svih oblika poduzetničke infrastrukture u Federaciji Bosne i Hercegovine. Razvoj poslovne infrastrukture je jedan od strateških pravaca djelovanja ovog ministarstva, jer sa dobro razvijenom mrežom poduzetničke infrastrukture stvaraju se prijeko potrebni uslovi za brži ekonomski razvoj svakog društva.

U okviru financijskih poticaja najznačajnija su ona namijenjena za rast i razvoj subjekata male privrede, za poticanje zapošljavanja, kao i očuvanje postojećih radnih mesta. Kroz novoregistriranih subjekata male privrede, poticati uvođenje novih tehnologija u cilju jačanja konkurentnosti sektora MSP-a. Osim navedenog značajan dio naših izdvajanja je, svake godine, usmjereni u razne vidove poduzetničke infrastrukture, gdje izdvajamo finansijsku pomoć u izgradnji poslovnih zona i ostalih vidova poduzetničke infrastrukture. Osim ovih grant sredstva redovno osiguravamo jeftiniji pristup kapitalu za MSP kroz obezbjeđenje kreditnih linija sa niskim kamatnim stopama u saradnji sa Razvojnom bankom Federacije BiH.

U cilju cjelovitog odgovora na ovo delegatsko pitanje predlažemo da se konsultuju i ostala nadležna federalna ministarstva koja u svom djelokrugu rada imaju zakone koji će otkloniti poteškoće u pokretanju malih i srednjih poduzeća i pospješiti lakoću poslovanja.

S poštovanjem,

Dostaviti:
- naslovu
- a/a

